

INUIT ATAQATIGIIT

Inatsisartuni



22. januar 2018

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Aatsitassanut inatsimmiittoq § 18 imm. 3-miittoq allanngortinneqaraluarpat aatsitassanik qallukkanit nunatsinni suliareqqiisarnissamut tunngasoq atorunnaarsinneqarluni, nunatta karsianut tamanna qanormita kinguneqassagaluarpa? Uani pineqarput soorlu ujaqqat qaqutigoortunik akullit, aatsitassallu allat pinngortitamut ulorianaateqarsinnaasut.**
- 2. Misissuinerit naapertorlugit pinngortitamut avatangiisiunullu sunniutigisinnaasai qanormita ippat? Assersuutigalugu nunatsinni suliareqqiisoqassagaluarpat aammalu nunatsinni suliareqqiisarunnaartoqasagaluarpat? Sorleq pinngortitamut avatangiisinullu pitsaannginnerusumik kinguneqartitsissava?**
- 3. Aatsitassat qallorneqartut suliareqqinneqarnissaanut atatillugu akuutissat toqunartullit suut pinngortitamut avatangiisinut imartatsinnullu uloriarnarsinnaasut atorneqartarpat?**
- 4. Piginnaasat suut piginnaanerisariaqarpat nunatsinni taamatut aatsitassanik qallukkanik suliareqqiinissamut. Tamakkiisumik nunaqavissunit tamanna isumagineqarsinnaava? Naamiuppat, suliareqqiinnermi nunaqavissut taamatut suliaqarsinnaasut %-nngorlugu qanoq amerlatigaat?**

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

Aatsitassanut inatsimmi inatsisartut inatsisaanni nr.7 december 2009-meersumi § 18 imm. 3 malillugu Naalakkersuisut aatsitassarsiorfinnut piunasaqaateqarsinnaapput aatsitassat qallorneqartut nunatsinni suliareqqinneqaqqullugit. Isumaq tamanna ajunngikkaluassusia, nunami suliffissanik amerlanerusunik pilersitsisoqarsinnaanissaa anguniarlugu siunertaralugulu.

Illuatungaaticullu aamma nalunngilarput nunatsinni suliaqqiisinaanerup aamma kingunerisinaagaa pinngortitamik avatangiisinillu annertuumik mingutsissoqarsinnaanera.

Pinngortarsuaq avatangiiserput imartarpullu minguitsoq eqqiluitsorlu uumaffipput ullumikkut tanngassimaarutigisaqaarput, nuannaarutigisaqaarpullu taamaattuunera. Iluatinnaraluaraluassusia erlinnaraluassusialu.

Tamanna pillugu paaserusuppara nunatsinni aatsitassat qallukat suliareqqinnerani pinngortitamut avatangiisitsinnut imartartinnullu sunniutigisinnaasai qanoq ittuunersut:

akuutissat toqunartullit avatangiisitsinnut imartatsinnillu qanoq sunniuteqarsinnaappat?
Pinngortitamut avatangiisitsinnut imartatsinnillu innarliissappat? Mingutsitsissappat?

Imaluunniit pitsaanerunnginnerpa nunatsinni suliareqqinneqaratik nunatta avataani tamakku
suliareqqinneqarpata? Tamaalilluni imarsuaq uumaffippat, nunattalu minguitsuunera
eqqiluutsuuneralu innarlerneqarani.

Kissaatigaaralu apeqqutima ullut qulit iluanni akineqassasoq.